

Transkription von Urkunde HBS 1352a

Ort, Datierung: Halberstadt, 1352-03-12

Signatur: Stadtarchiv Halberstadt, D 01 (N/1065-67)

Inhalt: Hintze von Croppenstede: Zinsverkauf

Ek . Hintze von croppenstede . borghere to Halb(i)r(stad) be kenne . oppenbare . in disseme
Jegenwardeghen breue . alle den . de en sen . / eder horen . lesen . dat ek mit vûlbort vnde met willen .
myner husvrowen Methtilde . vnde miner Kindere . vnde / miner rechten eruen . hebbe redeliken .
vnde rechtliken . vor koft Hern Thomase . Canonike . to sinte Paule . vnde . / siner suster , vnde
Hintzeken . Hannen . vn(de) Cecilien . de Kindere sint margareten . suberes vp deme Holtmarkede /
de sin maget , was vor dredde halue mark . de mek genzliken . be red sint teyn . Schillinghe .
haluerstad(escher) pe(n)in(n)ghe . / erues tynses in dren . husen . de ghe buwet sin . in deme satke .
der heft twey Hans spienweuere . Eyn lutter vn(de) eyn / grot dar he alle Jarlikes van gyft neghen
Scillenghe . van dem groten . ses schillinghe . vnde . van dem lutteken . dre . / schillinghe . vnde eyn .
de her hundertmark . de gift van dem dredden . eynen . schilling Dissen tyns schalme / hern Thomase
 . vnde den vorbenomeden . Eder we dissen bref . heft alle jarlikes al dus gheuen . vif schillinghe . /
schalme gheuen . op sinte gallen dach . vnde vme vp den goden doneresdach to sammene . von den
dren husen . vn(de) / van den worden . dat se wol . vor brant worden . das god . nicht en wille . ok her
her thomas vn(de) de vorbesprokenen oder / wye dissis breues her macht dat he vor setten mach vnde
vor kopen dorch suer not willen . be wenden . / vnde keren in ere aller nōt , mit erer aller willen . vnde
vromen . wor her wel . dar en . schal . ek noch mine . / rechten eruen sie nicht an hinderen . Sunder we
schullen . vn(de) willen . hern Thomase . vnde den . vorsproken . / luden rechte were wesen . wur vnde
wanne . se des be gheren also des landes won heyt is . Disser ding vn(de) disser / weri(n)ghe sint
thughe de wisen manne . vnde heren . her Hinrik von Blankenburch vn(de) her Jan van Berne/borch
[vicare] to sinte paule to Halb(i)r(stad) vn(de) He(n)ning de Hedesleue . Hans von Croppenstede
vn(de) bosse von croppe(n)stede / brodere vnde Hinricus von der Bode . Dit is ghe schin na goddes
bort Anno d(o)m(ini) m^o ccc^o q(ui)nquag(e)ci(m)o secu(n)do . / [...] gregorij pape .